

AESOPVS TRAGOEDVS.

Et ne artifices factis & professione simillimos stilo separem, Aesopus & aetate, & arte, & opibus, & gloria, & amicitia Ciceronis, postremo rebus omnibus Roscio penè par fuit, nisi quod arte scenica librum quem me legisse meminim non scripsit, studio certè non inferior, ambos denique ad audiendum videndumque Hortensium & eloquio clarum, & multo maximè motu corporis conspicuum, imitandi studio similem curiam frequentasse notum est. Sed iam satis multa de nostris: hinc mihi procùl ab his littoribus nauigandum, & in amplissimum studiorum pelagus prora flectenda est,

EXTERNI.

ARCHIMEDVS.

Quænam verò ab Italiae finibus digresso prior tellus occurrit Trinacria, quæ ipsa olim (vt aiunt) Italiae pars erat, nunc Italiae Insula est. Libet ergo orationis meæ cymbam, in portu Syracusio parumper alligare, dum salutato Archimede, proficiscor in Græciam: hic Syracusis ortus, illic vixit, illic obiit, quæ res licet patriæ terminis arctatum indi-